

UPAGANI

Kwa mtazamo wa ki-Islamu

14- SWAHILI

(05/05) الإلحاد

FREE COPY



Tutawaonyesha (ukweli wa) maneno Yetu haya katika nchi za mbali na katika nafsi zao wenyewe mpaka iwabainikie kwamba haya ni kweli. Je! Haikutoshi kwa Mola wako kuwa Yeye ni Mjuzi wa kila kitu?"

(Qur'an 41:53)



Your Path To Peace..

مركز المعلومات الإسلامي
Islamic Information Center

لتعريف بالدين

www.islamicic.com

Makala haya yanabainisha mtazamo wa ki-Islamu katika kumuamini Allâh (Aliyetukuka.) Yanafafanua jinsi Allâh Anavyozibainisha alama za kuwepo Kwake kwa mwanadamu, sawa katika njia zote mbili, uumbaji Wake wa asili, na kwa uteremsho Wake wa Wahyi, na anabainisha maswali ya kawaida kwa wasiomuamini Allâh (wapagani) Hakika Allâh (Aliyetukuka). Anatulingania sisi kuamini kuwepo Kwake kwa kutumia alama Zake, na Ametukalifisha sisi kwa kuamiliana nazo na kuzizingatia ili tufikie katika kumtambua Yeye na lengo Alilotuambia, wameamini baadhi ya watu kwa kuona kwao alama zilizowazunguka na utendakazi wake, na wamekufuru baadhi yao kwa wanayoyaona katika mazingira yao na wanayoyahisi katika maumbile. Na Allâh (Aliyetukuka) amewaumba viumbe wake juu ya Imani, isipokuwa haya matayarisho ya ki-maumbile yawezekana kuitilia nguvu na kuitakasa kama inavyowezekana kuiharibu na kuichafua.

Isipokuwa kwa uhakika katika jambo muhimu la kufahamu ni kwamba Allâh anamuongoza mtu aliye mkweli na mwenye ikhlâs ili aifikie uongofu Wake, na anampoteza aliyechagua kufuata matamano ya nafsi yake na anayemkanusha Yeye na Uongofu wake. Amesema Allâh (Aliyetukuka): "na anawaongoza wanaoelekea kwake" (Qur'an 13:27)

Na hili linahitajika juu ya mtu mwenye kukanusha kuwepo kwa Allâh (Aliyetukuka). Na akautenga mbali msimamo wa uwezekano wa kuwepo kwa Allâh (Aliyetukuka) usiwe ni wenye kuzingatia, na jambo la fedheha. Na bila ya kupatikana ombi hili la ufahamu mpana wa uhakika kwa mwenye kutafuta haki, hakuna awezae kufikia katika Imani ya kweli hata akiwa ni mjuzi zaidi na aliye na uhodari mkubwa miongoni mwa watu.

Kwa hakika Allâh ametangulia kutuonya kuhusu ukweli wa jambo hilo yakwamba wale wenye kufanya kiburi na alama Zake watapata malipo wanayostahiki kutokana na ukafiri wao.

Kwahivyo, twatumai yakwamba watafaidika wale walio wakweli, na waliofunguka akili zao wenye kutafuta ukweli kutokana na uhakika wa habari hizi, ambazo zitasaidia katika kupata kumfahamu Allâh .

SABABU ZA KUAMINI

Zifuatazo ni sababu tatu za kiakili za kuamini kuwepo kwa Mumbaji.

1.Kuanza kwa viumbe

Hoja ya kwanza yenye kuashiria kuwepo kwa Muumba yafungamana na kuanza kwa viumbe.

Hebu fikiria uwe katika jangwa na uokote saa. Twajua kuwa saa imeundwa kwa kioo, plastiki na chuma. Kioo kinatokana na mchanga, na plastiki yatokana na mafuta, na chuma kimetoka chini ya ardhi. Madini yote hayo yanapatikana jangwani.

"Je!
Wameumbwa
pasipo kitu, au wao
ndio waliojiumba."
(Qur'an 52:35-6)

Jee utaamini kuwa saa ilijitengeza yenyewe? Jua limeng'ara, na upepo uka vuma, na radi ikapiga, na chemchem ya mafuta ikaja yenyewe juu na kuchanganyikana na mchanga na chuma na zaidi mamilion ya miaka saa ikajiunda yenyewe kibahati au hivihivi tu?

Kulingana na elimu ya sayansi ya wakati huu, ulimwengu una mipaka na una mwanzo. Ulimwengu umekuja kutoka wapi? Akili ya binadamu na uzoefu wake unatuambia chochote kilicho anza hakiwezi kuanza bila kutokana na kitu, wala haiwezekani kujiumba chenyewe. Kwahivyo kutokana na tafsiri ya wengi wenye kutumia akili ni kwamba yuko muumbaji aliyeumba huu ulimwengu. Huyu "Muumbaji" ni lazima awe ni Muweza na ni Mjuzi kwa kuwa yeye ndiye aliyeumba huu ulimwengu na akaweka nidhamu za kuuendesha huu ulimwengu. Na pia twaweza kuamini kuwa huu Muumbaji yeye hayumo kwenye nidhamu ya wakati au ya pahali kwani hayo yamepatikana pale ulipoumbwa ulimwengu. Sifa hizi zote ni zenye kuleta maumbile ya ufahamu wa kimsingi kuhusiana na Allâh. Kwamba Yeye ndie Muumbaji wa ulimwengu.

Na huenda wakaulizana baadhi: "Basi ni nani aliyemuumba Allâh? Allâh, ndie Muumbaji, Yuko tafauti na viumbe vyake. Allâh ni wa tangu na tangu, Yeye daima yupo na kuwepo kwake hakuna mwanzo; Kwahivyo suala la kuwa ni nani aliyemuumba Allâh haliingi akilini.

Na huenda wakaulizana baadhi: "Basi ni nani aliyemuumba Allâh?

Allâh, ndie Muumbaji, Yuko tafauti na viumbe vyake. Allâh ni wa tangu na tangu, Yeye daima yupo na kuwepo kwake hakuna mwanzo; Kwahivyo suala la kuwa ni nani aliyemuumba Allâh haliingi akilini.

2.Ukamilifu kuumbwa ulimwengu

Ushahidi wa pili wenye kuashiria ya kuwepo kwa Muumbaji, Mjuzi ni nidhamu na usawa uliokamilika mfano ni ulimwengu ulio na mambo mengi.

Jee yawezekana ulimwengu huu mkubwa wenye mambo mengi unao kwenda kwa nidhamu uwe hivihivi bila chochote wala muangaliaji?

Viumbe vingi katika ulimwengu vinaonyesha waziwazi kuwa vimetengezwa kutilia nguvu uhai, kama umbali wa jua kutoka ardhini; unene na kina cha ardhi; kasi ya mzunguko wa ardhi; asilimia ya pumzi katika hewa; na hata sehemu ya juu ya ardhi. Lau vipimo vya vitu hivi vingekuwa tafauti na vilivyo leo basi hapangelikuwa na uhai.

Hivyo hivyo saa ina mjuzi wake aliye itengeza ili isipoteze wakati, hivyo hivyo dunia ina mjuzi wake aliyeitengeza ili upate kwenda sawa mzunguko wake wa jua. Jee hili laweza kufanyika lenyewe tu?

Na tunapo angalia, nidhamu na kanuni zilizosawa ndani yetu sisi wenyewe na ulimwenguni kote, jee haingii akilini kuwa yuko aliyeweka nidhamu hizi? Na tafsiri iliyobora ya hili ni kuwa yuko aliyeweka nidhamu na huko ndiko kupatikaniwa kwa Allâh. Aliye Mmoja - aliyeweka nidhamu hizi.

Na ifahamike yakwamba Uislamu unahimiza utafiti wa kielimu na unahimiza kuzingatia. Kwa namna yakuwa ilmu ina mchango katika kutusaidia kutusifia baadhi ya nidhamu zilizowekwa na Allâh katika viumbe vyake, na katika kuzingatia upeo wa nguvu Zake na hikma Zake, kuendelea katika uvumbuzi wa kisayansi, kama chombo chochote au taratibu yoyote tuionayo katika ulimwengu huu kama vile mzunguko wa maji au gravity - ni alama ya kuonyesha yakwamba yuko muumbaji na aliyeupanga huu ulimwengu.

Reference: www.islamicpamphlets.com

3. Ufunuo kutoka kwa Allâh.

Ushahidi wa tatu ni ufunuo wa uhakika ambao Allâh Aliutumiliza kwa wanadamu kama alama miongoni mwa alama za kuwepo Kwake.

Moja katika makusudio ya Qur'ân ni kuwalingania watu kufikiria na kuzingatia katika viumbe vya Allâh kama njia ya kukupelekea kumuamini Yeye. Na katika Qur'ân, Allâh Atutaka tuzindukane kutokana na miujiza yake katika viumbe vyake kwenye ulimwengu wenye mambo mengi na katika nafsi zetu, ambazo zinatoshleza kutuonyesha yakwamba sisi tumeumbwa na Allâh Al-Hakîm, kwa mfano huo, amesema Allâh Aliyetukuka:

Hakika katika kuumbwa kwa mbingu na ardhi, na katika kuandamizana usiku na mchana, na katika mwendo wa vyombo ambavyo hupita katika bahari kwa kuchukua vitu viwafanyavyo watu, na (katika kumiminika maji aliyoyateremsha Allâh kutoka mawinguni, na kwa maji hayo akaihuwisha ardhi baada ya kufa kwake, na akaeneza humu ulimwenguni kwa ajili ya maji hayo kila ya aina ya wanyama; na katika mabadiliko ya upepo, na mawingu yanayo amrisha kupita baina ya mawingu na ardhi; bila ya shaka katika haya) zimo ishara kwa watu wenye akili (kuwa yuko Allâh na ni Mmoja)." (Qur'ân 2:164)

Na zaidi ya hivyo, ziko aya zilizo waziwazi zenye kuonyesha kuwa Qur'ân ni maneno ya Allâh Aliyetukuka, tutataja baadhi yake:

Qur'an Tukufu

- Allâh anaepukana na makosa na kuchanganyikiwa.
- Ameyahifadhi maneno Yake kama Alivyoyateremsha, ameteremsha ufunuo kwa lugha ya kiarabu, kinyume na lugha nyenginezo za vitabu vilivyopita.
- Ujumbe wa Qur'ân ukowazi na ni mwepesi, humpelekea mwenye akili kumuamini Allâh Aliyetukuka.
- Qur'ân imeteremshwa zaidi ya miaka 1400. Ambayo ndani yake muna hakika nyingi za kielimu ambazo zilikuwa hazijulikani wakati ilipoteremshwa ambazo zimetimia uvumbuzi wake hivi karibuni kupitia elimu. Na mfano wa hayo: maji ambayo ni asili ya kila kilichoko hai (Qur'ân 21:30); kuumbwa kwa ulimwengu (Qur'ân 51:47) na kuumbwa kwa usiku na mchana na jua na mwezi kila kimoja kinaogelea katika anga yake (Qur'ân 21: 33)
- Katika Qur'ân kuna hakika nyingi za kihistoria ambazo hazikuwa maarufu kwa watu wa wakati ilipoteremka, mbali na utabiri mwingi uliotokea baada yake ukiwa ni kweli.
- Qur'ân iliteremshwa kwa Mtume (swala na salamu zimfikie) ambaye alikuwa hajui kusoma kilichoandikwa, na ina mfumo wa aina yake katika lugha yake, na hilo ni jambo maaruf ulimwenguni kwa kuzingatia kilele cha ufaswaha wa lugha ya kiarabu na uzuri wa ki-lugha.
- Na baada ya tafsiri nyingi za kimantiki pande mbalimbali za kipekee na miujiza ya Qur'ân ni kwamba yatoka kwa Allâh.

Qur'ân inahifadhiwa kutoka jalada mpaka jalada na mamilioni ya Waislamu.

Qur'ân inaathiri sana watu, ambayo athari yake hiyo hakuna mwenye kuihisi ispokuwa aliyeonja utamu wa imani.

MASWALI KUHUSU ALLÂH

Kwa nini Allâh Alituumba?

Yawezekana kila mmoja wetu kutambua yakwamba viungo vya mwili, kama macho mawili, masikio mawili, bongo na moyo vina malengo maalum katika kuwepo kwake, jee mtu kwa umbile lake kamili atakuwa hana lengo aliloumbiwa nalo?

Allâh, Al-Hakîm Aliyetukuka hakutuumba sisi bila ya lengo au kwa ajili ya kutekeleza mahitajio yetu ya kimsingi na matamano yetu ya kula na kunywa na kuo kwetu peke yake, sisi tuna lengo maalum, na upeo wa juu, nayo ni kuamini kuwepo kwa Allâh Mtukufu na kumuabudu Yeye peke Yake, na maisha haya tunayoishi ni mtihani kama alivyo yasifu Allâh Mtukufu, kila mtu atatahiniwa kwa uchaguzi wake wa kumuamini Allâh na kufuata uongofu Wake, Amesema Allâh Aliyetukuka

"Kwa hakika Tumemuumba mtu kutokana na mbegu ya uhai iliyochanganyika: (ya mwanamume na mwanamke), ili Tumfanyie mtihani (kwa amri Zetu na makatazo Yetu) kwa hivyo Tukamfanya ni mwenye kusikia (na) mwenye kuona. Hakika Sisi Tumemongoza, (tumem' bainishia) njia (zote mbili hizi, kuwa hii ndiyo ya kheri na hii ndio ya shari). Basi (mwenyewe tena) atakuwa mwenye shukurani au awe mwenye kukufuru, (kukanusha). (Qur'ân 76:2-3)

Kwa watu wengi, si jambo la kimsingi kwa uhakika kumuamini Allâh, lakini ni ile athari iliofungamana na kumuamini Yeye. Kwani hilo linamaanisha kwa mtu kuwa atahisabiwa na kuhukumika juu ya vitendo vyake, na huenda hilo likawa halikulekeana na mwenendo wa maisha yake anayotaka kuishi mtu huyu. Na kwa hivyo, hakika mtihani kwa maisha haya yanafungamana na kufuata uongofu wa Allâh, na kumnyenyekeka Yeye, kinyume na matamano yetu na kiburi na kujiona kwetu.

Jee Allâh anahaja yoyote katika mitihani Anayotupa?

Allâh Aliyetukuka hana haja na kitu chochote – na Yeye hana haja ya kitu chochote kwa viumbe na hata mtihani wa mtu yeyote.

Hakika Allâh Aliyetukuka haimnufaishi Yeye imani yetu, wala hadhuriki na ukafiri wetu. Bali hakika malipo kwa hikma Yake iliyoenea ni kwamba Yeye ametuumba sisi na kwa neema Zake akatupa sisi fursa ya kumjua Yeye, na Yeye Aliyetakasika anajua yatakayo kuwa, na jambo la kuzingatia ni maisha yetu na uzoefu wetu na uamuzi wetu wala si kwamba Allâh Anahaja ya mitihani au la.

Jee kwa hakika tunayo khiari?

Kwa hakika Allâh Aliyetukuka ajua khiari zetu haimanishi kwamba sisi hatukhiarishwi katika kufanya. Pamoja na kwamba Allâh analolitaka kwa watu wamuamini Yeye, ispokuwa ni kwamba Allâh hamlazimishi hata mmoja katika hilo. Lau angalitaka Allâh angeliwaongoza watu wote, kwani Yeye ni muweza kila kitu. Lakini kwa hikma Yake, lakini Ametuumba na akatujaali uwezo wa kukhiari, na akajaalia ya kwamba tutahisabiwa kwa yale tulio khiari sisi wenyewe. Wala si dharura kwa Allâh Aliyetukuka kuridhia kila alilolikubali kuwa kwetu sisi au dhidi yetu.

Kwa nini hatuwezi kumuona Allâh ?

Kwa hikma ya Allâh Aliyetukuka, amechagua tumjue Yeye kwa alama Zake na athari ya utenda kazi wake, na haya ndio malipo ya mtihani wetu katika maisha haya.

Na tumebebebwama amana ya kuchagua baina ya kheri na shari, kwa kutumia uwezo aliotuneemesha Yeye ili tupate kumuamini Yeye, na hili linamaanisha ya kuwa wale walio wa kweli watakaofikia uwongofu na wakazingatia katika uumbaji wa mbingu na ardhi ndio wataka muamini Yeye.

Kwanini kukapatikana shari katika ulimwengu huu?

Kwa hakika watu wametafautiana, na njia ya mtihani wao pia umetofautiana, haina maana yakuwa kwa hilo Mola hayupo wala halipingani na uwezo Wake kwa ujumla.

Kwa hivyo kheri na shari ambayo Allâh ameijaalia itokee ni mtihani kwetu katika haya maisha tunayoishi. Hatuwezi kuzuia yenye kutokezea kwetu, lakini twaweza kujituliza katika vitendo vyetu tunapo yaelekea hayo matukio, na hayo ndiyo tutakayohukumiwa nayo na Allâh aliyetukuka. Hakika huu ulimwengu ni wa kupita na unao zunguka, na akhera ambayo ni ya kuthubutu na kudumu kila mmoja atalipwa kwa aliyo yachuma, na atapata hadhi yake kutokana amali zake nyingi na kubwa zaidi kuliko zilivyokuwa.

Kwa nini Allâh Atawaadhibu watu?

Haiwezekani mtu kupinga ufahamu wa adhabu, chenye kuzingatia ni kuwa ni kitu cha dharura cha kuhakikisha uadilifu. Hakika Allâh Ametuumba na akatupa neema ya uwezo wa kuchagua, na kwa msingi huo tutahisabiwa vitendo vyetu.

Wale walio wakweli katika kumtwi'i Allâh Aliyetukuka watapata rehema Zake, na wataingizwa peponi. Na wale ambao wameghafilika na makusudio waliyo umbiwa, na wakapinga kuwepo kwa Mola wao, hakika wao wamechagua njia yao, na watahisabiwa kwa kuifuata kwa hiyo njia yao. Hakika Allâh Aliyetukuka hakuumba viumbe kuwaadhibu, na kwa hakika alitaka kuwasahilishia wao mambo yao na awaongoze kwa tabia njema. Na kwa hakika Allâh Aliyetukuka anajua yakuwa uamuzi wetu hauna maana ya kuwa tumetenzwa nguvu wala hautatufanya sisi tusihisabiwe kwa vitendo vyetu.

Hakika Uislamu ni dini ya vitendo, unahimiza juu ya kuwa na mizani katika vitendo baina matarajio ya rehema ya Allâh na hofu ya adhabu Yake, na hayo yote yanahitajika kwa dharura ya maisha yalio mazuri. Kwani hakika Allâh Aliyetukuka, Yeye ni Rahimu, naye ni muadilifu katika hukmu Zake. Ikiwa kutakuwa hakuna siku ya kiyama, hilo litakuwa lapingana na uadilifu wa Allâh Aliyetukuka, na maisha yatakuwa hayana uadilifu.

Hitimisho

Jee sisi tuko hapa ulimwenguni kwa miaka 80 au karibu ya hapo? Ili mambo yeshe?! Au yako maisha mengine?

Jee sisi ni masokwe walio endelea ambao hawana malengo katika maisha? Jee sisi ni viumbe waki mada tulioumbwa kwa mahitaji ya kimada peke yake? Au sisi pia tuna mahitaji ya kiroho?

Kwa wale wlio wa kweli na bado hawaja amua kuhusu kuwepo kwa Allâh, naswiha yetu kwao ni kuomba Allâh kikweli kwa kusema:

"Ewe Allâh ikiwa uko basi niongoze" na huenda ukashangaa kwa matokeo yake!

www.islamicic.com WhatsApp +97156 204 204 5

+971 4 3555 223 @info@islamicic.com 25020 Dubai - UAE islamicicdx

DONATIONS VIA SMS: SEND THE WORD "ISLAM" TO

10 AED	Etisalat 2289	50 AED	Etisalat 2252	100 AED	Etisalat 2208
Du 9010	Du 4774	Du 4141			